

JAVNI POZIV za podsticaje u stočarskoj proizvodnji

1.PRAVO PRIJAVE NA JAVNI POZIV

Pravo podnošenja prijave za predaju zahtjeva na podsticaje u stočarskoj proizvodnji -govedarska proizvodnja, ovačarska proizvodnja, kozarska proizvodnja i peradarska proizvodnja, imaju poljoprivredni proizvođači sa mjestom prebivališta i proizvodnjom na području Općine Stari Grad.

2.USLOVI ZA PODSTICAJE U STOČARSKOJ PROIZVODNJI

Pravo na podsticaje u stočarskoj proizvodnji mogu ostvariti proizvođači koji ispunjavaju navedene uslove :

Opći uslovi :

1. Da podnosilac zahtjeva ima mjesto prebivališta, zemljište na području Općine Stari Grad.
2. Da je zakonski korisnik zemljišta (vlasnik, suvlasnik, nosilac prava korištenja i slično) i da posjeduje minimum 500 m² zemljišta na području Općine Stari Grad.
3. Da je poljoprivredna proizvodnja na posjedu gdje podnosilac zahtjeva stanuje.
4. Broj članova domaćinstva - poljoprivrednog gazdinstva
5. Da posjeduje vlastiti objekat u kojem je moguć smještaj stoke

Posebni uslovi:

1. Da je podnosilac zahtjeva demobilisani borac
2. Da je podnosilac zahtjeva nezaposlen ili penzioner
3. Priznat status RVI podnosioca zahtjeva, šehidska porodica
4. Da je poljoprivreda osnovni izvor egzistencije

(uslove pod tačkom 3 i 5. – Opći uslovi, utvrđuje Komisija za podsticaje u stočarskoj proizvodnji na licu mjesta (u daljem tekstu Komisija).

3.POTREBNA DOKUMENTACIJA

Uz zahtjev za podsticaje u stočarskoj proizvodnji potrebno je priložiti dokaze o ispunjavanju uslova iz Javnog poziva kao i druge dokaze, originale ili ovjerene fotokopije dokumenata koji ne mogu biti stariji od 6 mjeseci:

1. Dokaz da je zakonski korisnik zemljišta: Prepis posjedovnog lista nadležne općinske službe ili kupoprodajni ugovor zakonski ovjeren.
2. Kopija lične karte i kopija prijave o mjestu boravka za podnosioca zahtjeva.
3. Kućna lista.
4. Potvrda o nezaposlenosti izdata od Zavoda za zapošljavanje za podnosioca zahtjeva,
5. Za lica koja nemaju riješen status odgovarajuća potvrda od kada nemaju riješen status (potvrdu izdaje preduzeće) kao i da razlog takvog statusa nije rezultat lične krivice

dotičnog uposlenika,

6. Ček od penzije ukoliko je podnosioc zahtjeva penzioner.
7. Dokaz o ukupnim primanjima domaćinstva, podnosioca zahtjeva i punoljetnih članova domaćinstva (potvrda o studiranju, uvjerenje nadležne službe o nezaposlenosti, ček od penzije, potvrda o primanjima od poslodavca, odnosno primanja po osnovu lične i porodične invalidnine i sl.).
8. Demobilisani borac: rješenje o statusu borca ili uvjerenje Federalnog ministarstva odbrane, Uprava za odbranu Sarajeva – Odjel za odbranu Stari Grad, ratni vojni invalid (rješenje nadležne općinske službe) i šehidska porodica (rješenje nadležne općinske službe).

4. PODNOŠENJE ZAHTJEVA I DOKUMENATA

Obrasci zahtjeva za podsticaje u stočarskoj proizvodnji mogu se podići u šalter Sali Općine Stari Grad. Zahtjevi sa pratećom dokumentacijom se predaju na šalteru protokola u zgradi Općine Stari Grad, ulica Zelenih beretkibr.4, sa naznakom: Služba za privredu - Prijava na **Javni poziv za podsticaje u stočarskoj proizvodnji**. Sve dodatne informacije mogu se dobiti u Službi za privredu, soba 416, IV sprat.

5. PROCEDURA STIMULISANJA STOČARSKE PROIZVODNJE

Svaki navedeni uslov bodovaće se prema posebnom aktu koji će utvrditi Komisija. Proceduru vrednovanja i odabira pristiglih zahtjeva izvršit će Komisija. Odluku o dodjeli sredstava za podsticaje donosi Načelnik Općine Stari Grad Sarajevo na prijedlog Komisije.

6. FINANSIJSKA SREDSTVA

U okviru pozicije Projekti iz oblasti stočarstva obezbjeđena su sredstva iz Budžeta Općine Stari Grad Sarajevo za 2013.godinu , u okviru kojih će se izvršiti podsticaji stočarske proizvodnje.

7. NAPOMENA

1. Zahtjevi podneseni sa nepotpunom dokumentacijom i mimo roka neće se uzeti u razmatranje.
2. Rok za podnošenje prijava na Javni poziv je 10 dana od dana njegovog objavljivanja na Oglasnoj ploči Općine i oglasnim pločama Mjesnih zajednica Općine Stari Grad Sarajevo.
3. O rezultatima Javnog poziva svi učesnici će biti obaviješteni putem Oglasne ploče Općine Stari Grad i pismenom obavijesti, a mogu se i lično informisati u Službi za privredu, soba 416, IV sprat.

OPĆINSKI NAČELNIK

mr.Ibrahim Hadžibajrić,s.r.

Sarajevo, 07.10.2013. godine.